



Ko kaže kada čuje mujezina sljedeće riječi: 'Ešhedu en la ilahe illallahu wahdehu la šerike lehu, we enne Muhammeden 'abduhu we resuluhu, raditu billahi rabben we bi Muhammedin resulen we bil islami dinen' (Svjedočim da nema istinskog boga mimo Allaha, jedinog koji nema saučesnika i da je Muhammed Njegov rob i poslanik. Zadovoljan sam Allahom kao Gospodarom, Muhammedom kao poslanikom i islamom kao vjerom), biće mu oprosteni grijesi

Sa'd ibn Ebi Vekkas, radijallahu anhu, prenosi da je Allahov Poslanik, sallallahu 'alejhi ve sellem, kazao: "Ko kaže kada čuje mujezina sljedeće riječi: 'Ešhedu en la ilahe illallahu wahdehu la šerike lehu, we enne Muhammeden 'abduhu we resuluhu, raditu billahi rabben we bi Muhammedin resulen we bil islami dinen' (Svjedočim da nema istinskog boga mimo Allaha, jedinog koji nema saučesnika i da je Muhammed Njegov rob i poslanik. Zadovoljan sam Allahom kao Gospodarom, Muhammedom kao poslanikom i islamom kao vjerom), biće mu oprosteni grijesi."

[Vjerodostojan] [Hadis bilježi imam Muslim]

Allahov Poslanik, sallallahu alejhi ve sellem, nas obavještava da onaj ko čuje mujezina da uči ezan, pa prouči: "Ešhedu en la ilahe illallahu wahdehu la šerike lehu." To jeste, potvrđujem i priznajem da nema istinskog boga mimo Allaha i da su sva božanstva mimo njega neispravna. "We enne Muhammeden 'abduhu we resuluhu." Potvrđujem i svjedočim da je Muhammed Njegov rob, koji se ne obožava i Njegov poslanik, koji se ne utjeruje u laž. "Raditu billahi rabben." Zadovoljan sam da mi Allah bude Gospodar, sa svim Njegovim karakteristikama rububijjeta, uluhijjeta i Njegovim imenima i svojstvima. "We bi Muhammedin resulen." I zadovoljan sam da mi je Muhammed poslanik, sa svime što je poslan i što nam je dostavio. "We bil-islami dinen." Zadovoljan sam i da mi je islam vjera sa svim njenim propisima, naredbama i zabranama. U to vjerujem i tome se pokoravam. Allahov Poslanik nam kaže da će onome ko ovo izgovori biti oprosteni mali grijesi.

النجاة الخيرية
ALNAJAT CHARITY

